

Na osnovu člana 52. i 64. Statuta Saveza lovačkih organizacija u Bosni i Hercegovini, Upravni odbor, Saveza na sjednici održanoj 19.12.2022. godine, donosi

## **O PRIZNANJIMA I ODLIKOVANJIMA ZA RAD NA UNAPREĐENJU LOVSTVA**

### **I. OPĆE ODREDBE**

#### **Član 1.**

Ovim Pravilnikom utvrđuju se vrste, kriteriji i način dodjele lovačkih priznanja i odlikovanja koja dodjeljuje Savez lovačkih organizacija u Bosni i Hercegovini (u daljnjem tekstu Savez).

#### **Član 2.**

Ovim Pravilnikom ustanovljavaju se lovačka priznanja i odlikovanja Saveza lovačkih organizacija u BiH koja se dodjeljuju za naročite zasluge na razvijanju i unapređenju lovstva u Bosni i Hercegovini.

#### **Član 3.**

Lovačke organizacije-članice Saveza također ustanovljavaju vlastita priznanja za lovačke zasluge svojim članovima i drugim osobama na svom području, a u skladu sa svojim normativnim aktima i odredbama ovog pravilnika.

#### **Član 4.**

Lovačka priznanja i odlikovanja Saveza mogu se dodijeliti:

- lovačkim organizacijama,
- članovima lovačkih organizacija koje se ističu svojim doprinosom u razvoju lovstva,
- članovima Saveza koja imaju status pravnog lica koja su registrovana u Bosni i Hercegovini, koja se bave lovstvom, kao i unapređenjem i uzgojem, zaštitom i iskorištavanjem divljači, kao i pravna lica koja se bave djelatnošću šumarstva i lovstva.
- drugim organima i organizacijama i pojedincima, koje svojim djelovanjem doprinose razvoju i unapređenju lovstva u Bosni i Hercegovini.

#### **Član 5.**

Pod zaslugama na razvoju, zaštiti i unapređenju lovstva podrazumijeva se rad na :

- uzgoju, zaštiti i naseljavanju divljači,
- naučnoistraživačkom i stručnim radovima u lovstvu,
- stručnom obrazovanju i uzdizanju kadrova u lovstvu,
- unapređenju lovišta,
- razvoju kinologije,
- suzbijanju krivolova i ostalih nezakonitih radnji u lovstvu,
- razvoju lovnog streljaštva, podršci i unapređenju lovne etike i afirmaciji lovstva uopće,
- kao i za druge zasluge koje su od općeg interesa za lovstvo.

#### **Član 6.**

Odluku o dodjeljivanju priznanja i odlikovanja donosi Upravni odbor Saveza na prijedlog Komisije za priznanja i odlikovanja koju imenuje Upravni odbor Saveza.

Komisija za priznanja i odlikovanja broji pet (5) članova, koja radi i prijedloge utvrđuje u skladu sa ovim Pravilnikom.

Odluka Upravnog odbora o dodjeli priznanja i odlikovanja je konačna.

## Član 7.

Prijedlog za dodjelu lovačkih priznanja i odlikovanja pojedinim osobama mogu uputiti :

- lovačke organizacije;
- članovi organa Saveza, uz uobičajene konsultacije na terenu;
- ostale organizacije i pojedinci čiji su rad i djelovanje u vezi sa lovstvom ili ako svojom djelatnošću doprinose razvoju lovstva.
- Prijedlog za dodjelu lovačkog odlikovanja ili priznanja članici Saveza ili drugoj lovačkoj organizaciji u BiH i van nje mogu dati i Skupština Saveza i Upravni odbor Saveza.

## Član 8.

Lovačka priznanja i odlikovanja su:

1. Zahvalnica za lovački podmladak
  2. Zahvalnica za zasluge u lovstvu sa značkom Saveza,
  3. Orden za lovačke zasluge II reda sa diplomom,
  4. Orden za lovačke zasluge I reda sa diplomom,
  5. Jubilarna plaketa Saveza,
  6. Plaketa Saveza
  7. Zlatni orden Saveza sa diplomom
  8. Počasno zvanje
- ZAHVALNICU za lovački podmladak za zasluge u lovstvu propisuje Upravni odbor Saveza.
  - ZAHVALNICU sa značkom Saveza za zasluge u lovstvu propisuje Upravni odbor Saveza na prijedlog Komisije za priznanja i odlikovanja.
  - ORDEN ZA LOVAČKE ZASLUGE II REDA je od mesinga, bakarno patiniran, veličine 40x30 mm, ovalnog oblika, omeđen sa strane utisnutom grančicom. U sredini je utisnut amblem glave srndaća i natpis "Savez lovačkih organizacija u BiH"; ispod toga je u polukrugu na emajliranoj traci natpis "Orden za lovačke zasluge" i pri dnu natpis na emajliranoj zelenoj podlozi "II reda".  
Diplomu uz Orden za lovačke zasluge II reda propisuje Upravni odbor Saveza na prijedlog Komisije za priznanja i odlikovanja.
  - ORDEN ZA LOVAČKE ZASLUGE I REDA je od mjedi, presvučen pozlatom, iste je veličine i oblika kao i Orden II reda s tim, što je sa strane osim grančice omeđen i zelenim trakama na emajliranoj podlozi sirine 2,5 milimetara. U sredini je utisnuta glava divojarca i natpis "Savez lovačkih organizacija u BiH"; ispod toga u polukrugu stoji natpis "Orden za lovačke zasluge I reda".  
Diplomu uz Orden za lovačke zasluge I reda propisuje Upravni odbor Saveza na prijedlog Komisije za priznanja i odlikovanja.
  - JUBILARNU PLAKETU Saveza kao posebnu nagradu propisuje i dodjeljuje Upravni odbor Saveza na svoj ili na prijedlog Komisije za priznanja i odlikovanja.
  - PLAKETU Saveza (za organizacije koje nisu članovi Saveza lovačkih organizacija) kao priznanje za afirmaciju Saveza i lovstva uopće propisuje i dodjeljuje Upravni odbor Saveza na prijedlog Komisije za priznanja i odlikovanja.
  - ZLATNI ORDEN SAVEZA SA DIPLOMOM je posebno odlikovanje Saveza čiji izgled značke i priznanja propisuje Upravni odbor saveza.
  - POČASNO ZVANJE (počasni član) je pločica sa amblemom Saveza, izgraviranim natpisom „Počasni član“ u prvom redu te „Prezimenom i imenom“. Diplomu sa obilježjem počasnog člana propisuje Upravni odbor saveza na prijedlog Komisije za priznanja i odlikovanja.

## II. USLOVI ZA DODJELU ODLIKOVANJA:

### Član 9.

**Zahvalnica za lovački podmladak** je priznanje namjenjeno prvenstveno maloljetnim osobama pripravniciima, starosne dobi do 17 godina, koji su se iskazali u radu u lovačkoj organizaciji i koji su dali zapažen doprinos na unapređenju lovstva.